

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINACIJA
FEDERALNO MINISTARSTVO FINANSIJA
SARAJEVO

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF FINANCE
SARAJEVO
PARLAMENT FEDERACIJE
SARAJEVO

Broj: 05-02-5-7957/23
Sarajevo, 07.11.2023.godine

Priljeno: 10-11-2023			
Org. jed.	Broj	Priloga	Vrijednost
05/1	-02-	408	23

**PARLAMENT FEDERACIJE BOSNE I HERCEGOVINE
ZASTUPNIČKI/PREDSTAVNIČKI DOM**

n/p Tajnik/Sekretar

PREDMET: Odgovor na zastupničko pitanje, dostavlja se

VEZA: Vaš akt broj: 05/1-02-408/23 od 30.10.2023.godine
Akt Vlade Federacije BiH broj: 03-04-1253-24/23 od 31.10.2023.godine

Poštovani,

Vašim aktom, pod brojem i datumom iz veze, dostavili ste Vladi Federacije BiH, zastupničko pitanje koje je uvaženi zastupnik Hamdija Abdić, postavio na 8. izvanrednoj sjednici Zastupničkog doma Parlamenta Federacije Bosne i Hercegovine, održanoj dana 25.10.2023.godine, radi davanja odgovora iz nadležnosti Federalnog ministarstva finansija-financija.

Uvaženi zastupnik traži objašnjenje u vezi Odluke o raspodjeli sredstava u iznosu od 728.458,82 KM ostvarenih po osnovu naknada za priređivanje igara na sreću iz 2022.godine, koju je izradilo Federalno ministarstvo rada i socijalne politike.

Shodno prednjem, **iz segmenta naše nadležnosti**, dostavljamo vam sljedeći

ODGOVOR

U skladu sa Uredbom o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću („Službene novine Federacije Bosne i Hercegovine”, broj: 89/15, 11/17 i 87/22 - u daljem tekstu Uredba) Federalno ministarstvo finansija je nadležno da resornim ministarstvima dostavlja informaciju o ukupnom i pojedinačnom iznosu sredstava za raspodjelu prikupljenih na posebnim transakcijskim računima u prethodnoj godini, vrši isplatu sredstava nakon dostavljanja Ugovora koje su ministarstva zaključila sa korisnicima sredstava iz člana 10. Uredbe, te vrši nadzor nad primjenom iste, a posebno u dijelu poštivanja propisanih rokova, uređivanja finansijskog nadzora, uređivanja izvještavanja, i slično.

U skladu sa Uredbom, resorna ministarstva dužna su da: donesu i objave na svojim web stranicama Upute o podnošenju prijava na javni konkurs, (koje minimalno sadrže opće i posebne kriterije, način bodovanja općih i posebnih kriterija, način i uslove utvrđivanja procenta raspodjele predmetnih sredstava za svaki program iz svoje nadležnosti, potrebnu dokumentaciju i obrazac/zahtjev za prijavu na javni konkursu) i raspišu javni konkurs do 31.januara, da imenuju Komisiju za ocjenu i bodovanje predloženih programa i projekata, koja će sačiniti prijedlog rang liste korisnika za dodjelu sredstava, da u roku od 90 dana od dana isteka roka za podnošenje zahtjeva u javnom konkursu dostave prijedlog Odluke o raspodjeli predmetnih sredstava Vladi Federacije Bosne i Hercegovine na usvajanje, da u roku od 15 dana od dana stupanja na snagu navedene Odluke zaključe pojedinačne ugovore o dodjeli sredstava sa svim korisnicima kojima su sredstva dodjeljena i dostave ih, zajedno sa ostalom dokumentacijom Federalnom ministarstvu finansija na realizaciju, te da najkasnije do 01. marta tekuće godine, dostave Vladi FBiH sveobuhvatnu informaciju o namjenskom utrošku sredstava dodjeljenih korisnicima u prethodnoj godini, kao i mjerama poduzetim u skladu sa stavom članom 12. stav (3) ove Uredbe.

Sukladno Uredbi, jasno su razdvojene nadležnosti Federalnog ministarstva finansija i resornih ministarstava.

S poštovanjem,

CO: VLADA FEDERACIJE BIH

